



Broj: 01/5-50-1-6-20/08
Sarajevo, 11.9.2008.godine

Z A P I S N I K
20. sjednice Komisije za saobraćaj i komunikacije,
održane 11.9. 2008. godine

Sjednica je održana 11.9.2008., s početkom u 14,05 sati.

Sjednici su prisustvovali članovi Komisije: Branko Dokić, Šemsudin Mehmedović, Slavko Matić, Sadik Bahtić, Mehmed Suljkanović i Selim Bešlagić.

Opravdano su odsustvovali: Snježana Rajilić, Savo Erić i Husein Nanić.

Iz Vijeća ministara BiH sjednici su prisustvovali: Božidar Škravan, savjetnik ministra komunikacija i prometa BiH, i Kojo Koprivica, pomoćnik ministra, iz Regulatorne agencije za komunikacije BiH Helena Mandić, član Radne grupe za tehničku podršku Komisije za utvrđivanje rang-liste kandidata za Upravni odbor BHRT-a, te sekretar Komisije za saobraćaj i komunikacije Ahmed Jalović.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

D N E V N I R E D

1. Usvajanje Zapisnika 19. sjednice Komisije;
2. Prijedlog zakona o Agenciji za razvoj informacionog društva BiH (ZARID), predlagač: Vijeće ministara BiH (prva komisijska faza);
3. Razmatranje rang-liste kandidata za člana Upravnog odbora Javnog radiotelevizijskog servisa BiH iz reda ostalih;
4. Tekuća pitanja.

Dnevni red jednoglasno je usvojen.

Ad. 1. Usvajanje Zapisnika 19. sjednice Komisije

Zapisnik 19. sjednice Komisije usvojen je jednoglasno, bez primjedbi.

Ad. 2. Prijedlog zakona o Agenciji za razvoj informacionog društva BiH (ZARID), predlaže: Vijeće ministara BiH (prva komisijska faza)

Branko Dokić pozvao je predstavnike Vijeća ministara BiH da daju uvodnu riječ o Prijedlogu zakona o Agenciji za razvoj informacionog društva BiH (ZARID) (u daljnjem tekstu: Prijedlog zakona).

Kojo Koprivica ukazao je da je Vijeće ministara BiH u 2004. godini usvojilo Politiku, Strategiju i Akcioni plan razvoja informacionog društva u Bosni i Hercegovini, te da je tim dokumentima utvrđena obaveza formiranja Agencije za razvoj informacionog društva BiH. Vijeće ministara BiH je 2005. godine dostavilo Parlamentarnoj skupštini BiH Prijedlog zakona o Agenciji za razvoj informacionog društva BiH, ali taj prijedlog zakona nije usvojen u Predstavničkom domu. Sadašnjim prijedlogom zakona predviđeno je da je Agencija samostalna upravna organizacija sa sjedištem u Sarajevu, a da Agencija po potrebi može formirati organizacione podružnice. Na osnovu primjedbi iz entiteta i Brčko Distrikta BiH, predviđena je značajnija uloga Vijeća Agencije, koje ima sedam članova i koje imenuje Vijeće ministara BiH, a na prijedlog ministra komunikacija i prometa BiH, usaglašen s vladama entiteta i Vladom Brčko Distrikta BiH u pogledu njihovih kandidata.

Božidar Škravan podsjetio je da su usvojeni Zakon o elektronskom poslovanju i Zakon o elektronskom potpisu, ali da je za potpunu primjenu ovih zakona neophodno što prije usvojiti Prijedlog zakona. Nakon što je sačinjen Prijedlog zakona o Agenciji, izvršene su sveobuhvatne konsultacije s nadležnim tijelima entiteta i Brčko Distrikta BiH, prihvaćena je većina njihovih primjedbi, te smatra da je to doprinijelo da se dobije kvalitetan Prijedlog zakona.

Nakon rasprave u kojoj su učestvovali: Šemsudin Mehmedović, Branko Dokić, Selim Bešlić i Mehmed Suljkanović, Komisija je jednoglasno prihvatila principe Prijedloga zakona o Agenciji za razvoj informacionog društva BiH (ZARID).

Ad. 3. Razmatranje rang-liste kandidata za člana Upravnog odbora Javnog radiotelevizijskog servisa BiH iz reda ostalih

Predsjedavajući je ukazao da je Regulatorna agencija za komunikacije BiH (u daljnjem tekstu: Agencija) dostavila Parlamentarnoj skupštini BiH rang-listu kandidata za člana Upravnog odbora BHRT-a iz reda ostalih i dao riječ predstavnici Agencije.

Helena Mandić istakla je da je Agencija nadležna za utvrđivanje rang-liste za člana Upravnog odbora BHRT-a, pa je Agencija provela odgovarajuću proceduru, vodeći se standardima i rokovima propisanim u Zakonu o ministarskim imenovanjima, imenovanjima Vijeća ministara BiH i drugim imenovanjima Bosne i Hercegovine. Komisija koju je formiralo Vijeće Agencije je, 8. 5. 2008., raspisala konkurs za člana Upravnog odbora BHRT-a iz reda ostalih, a zbog nedovoljnog broja prijava, konkurs je ponovljen 5.6. 2008. Ukupno je primljeno pet prijava, a nakon obavljenog razgovora s tri kandidata, Komisija je utvrdila rang-listu u skladu s traženim uslovima iz konkursa.

Nakon opće rasprave, Komisija je jednoglasno prihvatila rang-listu kandidata za člana Upravnog odbora Javnog radiotelevizijskog servisa BiH iz reda ostalih, te predlaže Predstavničkom domu da, u skladu s članom 26. stav 1. Zakona o Javnom radiotelevizijskom servisu BiH, imenuje člana Upravnog odbora s rang-liste kandidata koji su ušli u uži izbor.

U smislu odredbi člana 39. i 113. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Branko Dokić.

Ad. 4. Tekuća pitanja

Na pitanje članova Komisije u vezi s procedurom imenovanja generalnog direktora Regulatorne agencije za komunikacije BiH, Helena Mandić odgovorila je da je Vijeće Agencije na svojoj posljednjoj sjednici potvrdilo raniju odluku o imenovanju Kemala Huseinovića za generalnog direktora RAK-a i da se sada očekuje odgovor Parlamentarne skupštine BiH u vezi sa zahtjevom za autentično tumačenje Zakona o komunikacijama BiH.

Kako nije bilo drugih pitanja, predsjedavajući je zaključio sjednicu u 14,50 sati.

SEKRETAR KOMISIJE
Ahmed Jalović

PREDSJEDAVAJUĆI KOMISIJE
dr. Branko Dokić